

## ტრენინგი: ასოცირების შეთანხმების მონიტორინგისა და ადვოკატირების საკითხებზე (აქცენტით გარემოს დაცვა - გარემოსდაცვითი ნებართვები და გარემოზე ზემოქმედების შეფასება)

### ინიციატივის შესახებ

ევროკავშირისა და კონრად ადენაუერის ფონდის მიერ დაფინანსებული პროექტი „სამოქალაქო საზოგადოების ინიციატივა: მდგრადი, ღია და ანგარიშვალდებული სამოქალაქო საზოგადოების ორგანიზაციები საქართველოს განვითარებისთვის“ მიზნად ისახავს, გაამლიეროს სამოქალაქო საზოგადოება როგორც დამოუკიდებელი, მდგრადი, გამჭვირვალე და ანგარიშვალდებული აქტორი მთელი საქართველოს მასშტაბით.

პროექტს სამი კონკრეტული ამოცანა აქვს:

1. საქართველოში სამოქალაქო საზოგადოების მდგრადი განვითარებისთვის საჭირო სამართლებრივი და ფინანსური გარემოს გაუმჯობესება, მათ შორის, სახელმწიფო დაფინანსების გამჭვირვალობა და არასახელმწიფო დაფინანსების გამრავალფეროვნება, ბიზნესის კორპორაციული სოციალური პასუხისმგებლობის კულტურის პოპულარიზაცია.
2. სამოქალაქო საზოგადოების ორგანიზაციებსა და მათ სამიზნე აუდიტორიას შორის კავშირების გამყარება, მათ შორის, სამოქალაქო ღირებულებების პოპულარიზაცია, საზოგადოების სამოქალაქო აქტიურობის ხელშეწყობა და საზოგადოების საჭიროებებზე ორიენტირებული საქმიანობის წახალისება.
3. სამოქალაქო საზოგადოების ორგანიზაციების შესაძლებლობების განვითარება და სამოქალაქო სექტორის ინსტიტუციური გაძლიერება ქვეყნის მასშტაბით, განსაკუთრებით ზედამხედველობისა და ადვოკატირების თვალსაზრისით.

პროექტს ახორციელებს კონსორციუმი კონრად ადენაუერის ფონდის (KAS) ხელმძღვანელობით შემდეგ არასამთავრობო ორგანიზაციასთან ერთად - საქართველოს სტრატეგიული კვლევებისა და განვითარების ცენტრი (CSR DG), სამოქალაქო საზოგადოების ინსტიტუტი (CSI), კონსულტაციისა და ტრენინგის ცენტრი (CTC), განათლების განვითარების და დასაქმების ცენტრი (EDEC) და ევროპული პოლიტიკის ინსტიტუტი (IEP).

"სამოქალაქო საზოგადოების ინიციატივა" ემყარება ევროკავშირის მიერ მხარდაჭერილი პროექტის "სამოქალაქო საზოგადოების განვითარების ინიციატივა" (CSSIGE 2017-2020) განხორციელების პროცესში მიღებულ ცოდნასა და გამოცდილებას.

CSR DG-ის მიერ განსახორციელებელი აქტივობებიდან ერთ-ერთი აქტივობა ითვალისწინებს ტრენინგების ჩატარებას ევროკავშირისა და საქართველოს შორის ასოცირების ხელშეკრულების მონიტორინგისა და ადვოკატირების მიმართულებით.

**ტრენინგის მიზანია**, ხელი შეუწყოს ქართული საზოგადოებრივი ორგანიზაციების მიერ ასოცირების შეთანხმების შესრულების მონიტორინგსა და ადვოკატირებას.

ონლაინ ტრენინგი ჩატარდება **2023 წლის 23-24 თებერვალს** ZOOM აპლიკაციის მეშვეობით, ასოცირების შეთანხმების მონიტორინგისა და ადვოკატირების საკითხებზე (**აქცენტით გარემოს დაცვა - გარემოსდაცვითი ნებართვები და გარემოზე ზემოქმედების შეფასება**), რომელზეც განხილული იქნება შემდეგი საკითხები:

- საზოგადოებრივი ორგანიზაციების ხელმძღვანელობით მონიტორინგისა და ადვოკატირების აუცილებლობა. ჩვენი გაგება სახელმწიფო სტრატეგიის/პოლიტიკის განხორციელების მონიტორინგის/ზედამხედველობის შესახებ (ლია თოდუა, CSRDG);
- გამოცდილების გაცვლის სესია თემაზე - გზშ პროცედურები ევროპაში;
- აქტუალური სესია/ლექცია იმის შესახებ, თუ რა ეტაპზე იმყოფება საქართველო ასოცირების შეთანხმების შესაბამისი ნაწილის (**გარემოს დაცვა - გარემოსდაცვითი ნებართვები და გარემოზე ზემოქმედების შეფასება**) განხორციელების კუთხით (ქეთევან გუჯარაიძე);
- სსო-თა ორგანიზაციული განვითარება: კონცეფცია, აუცილებლობა, ინსტრუმენტები, საშუალებები, შესაძლებლობები (ქრისტინე კანდელაკი, CSRDG);

ტრენინგის მონაწილეები ჯგუფურად შეიმუშავენ ზოგადი მონიტორინგისა და თემატური მონიტორინგის პროექტების იდეებს, წარუდგენენ მათ ტრენინგის მონაწილეებსა და ექსპერტებს და მიიღებენ უკუკავშირს.

**ტრენინგის მონაწილეთა რეგისტრაციის ვადა: 2023 წლის 17 თებერვალი, 24:00 სთ.**

ტრენინგზე მონაწილეობის მისაღებად საჭიროა წინასწარი რეგისტრაცია. დაინტერესებულ ორგანიზაციებს ვთხოვთ შეავსონ განაცხადი <https://rb.gy/0jap6l>

**ონლაინ ტრენინგის ბმული და დღის წესრიგი** შერჩეულ მონაწილეებს დაეგზავნებათ ელექტრონულ ფოსტაზე.

**გაითვალისწინეთ:** მონაწილეთა დიდი რაოდენობის დარეგისტრირების შემთხვევაში, პრიორიტეტი მიენიჭება იმ ორგანიზაციებს/კანდიდატებს, რომელთაც არ გაუვლიათ მსგავსი ტრენინგები, ასევე ორგანიზაციის მიერ ტრენინგში მონაწილეობის მისაღებად 1-ზე მეტი წარმომადგენლის დარეგისტრირების შემთხვევაში, უპირატესობა მიენიჭება ორგანიზაციის მიერ პირველად დასახელებულ (დარეგისტრირებულ) წარმომადგენელს.